

# SAKSPAPIR

| Saksnr | Utval        | Type | Dato       |
|--------|--------------|------|------------|
| 013/21 | Heradsstyret | PS   | 24.02.2021 |

| Saksbehandlar              | ArkivsakID |
|----------------------------|------------|
| Linda Judith Svidal Nordås | 20/1192    |

## Plassering av dagsturhytta

### Vedlegg:

Budsjett dagsturhytta

Osterøy tilbakemelding

**Rådmannen sitt framlegg til vedtak:**

**Dagsturhytta med tilhøyrande toalett vert satt opp på Erstadfjellet.**

## Heradsstyret - 013/21

### HS - behandling:

Johannes Haugland, SP, viste til innsende spørsmål til saka.

Ordføraren, leste opp innsende spørsmål og svara frå administrasjonen.

Spørsmål og svar vert publiserte i Møteportalen etter møtet.

-----

### AVRØYSTING

Rådmannen sitt framlegg - samrøystes vedteke (SP,1MDG,1V,3KRF,2SV,4AP,4H,7FRP)

### HS - vedtak:

**"Dagsturhytta med tilhøyrande toalett vert satt opp på Erstadfjellet."**

### Saksopplysningar:

#### Saksopplysningar:

Vestland fylke har følgjande krietriumliste for val av plassering av dagsturhytta:

- Lett tilgjengelig og enkel tilkomst for fleire brukargrupper
- Inntil 15 min å kjøre til en egna parkering, frå kommunsenteret
- Inntil 700 m over havet
- Gangtid inntil 45 minutt for ein vaksen person i grei form
- Mulighet for å kunne nytte turmålet heile året
- Tomta må ha fast fjell, og kan ha opptil 30 cm høgdeforskjell
- Mogelegheit for å sette opp sanitæranlegg

Den lokale prosjektgruppa har i tillegg hatt med seg i loaliseringsarbeidet at det må vere trygt for

barn å leike (unngå bratte skråningar i umiddelbar nærleik), og at det skal vere eit areal rundt hytta som gjer det mogeleg med «pop up» arrangement.

Arbeidet med å finne eigna plassering, starta i Haugeområdet (gjeve den geografiske plasseringa midt på øya, og at det er kommunal parkering i området.). Lokale organisasjonar vart spurt, og prosjektgruppa gjekk heile vegen frå Osterøy integrerings- og læringssenter til Burkelandsfjellet utan å finne eigne stad. Det var difor nødvendig å utvide området ein leita i, og med passerspissen i Lonevåg satte ein sirkelen på inntil 15 min kjøretid.

På dette tidspunktet var Osterøy turlag og Osterøytrimmen begge spurt om å komme med sine tankar, gjeve sin gode lokalkunnskap om Osterøyfjella. Det vart òg lagt ut melding på kommunen sine facebooksider der ein bad om innspel frå alle innbyggjarar.

Prosjektgruppa har gått på synfaring til alle innkomne forslag, tilsaman 10 – 13 stadar. Ved hjelp av eliminasjonsmetode, med utgangspunkt i kriteriumlista, satt ein att med tre aktuelle lokasjonar. Representant frå Vestland fylke som arbeider med etablering av dagsturhytta deltok på synfaring, og var med å vurderte disse:

- Sjuravika
- Åsheimveten
- Erstadfjellet

Vestland fylke skreiv ei tilråding, der Erstadfjellet var anbefalt:

*«Ut frå ei samla vurdering, baser på kriteria som er lagt for konseptet, erfaringar frå Sogn og Fjordane, har Erstadfjellet beste føresetnader, ligg sentralt i kommunen, nærleik til samfunnsfunksjonar som skule og barnehage og dette også vere med å spreie friluftsliv-aktiviteten på fleire område.*

*Eg vil som idemakar som har utvikla konseptet og prosjektleiar for alle dagsturhytter i gamle Hordaland, rå Osterøy kommune til å velje Erstadfjellet som plassering for dagsturhytta.»*

#### *Sanitæranlegg*

Osterøy kommune har bestilt sanitæranlegg/utedo. Det er vurdert at belastninga på området blir for høg utan dette. Toalettet er 1,5 x 1,5 kvm.

Drift og vedlikehald av toalettet er ein del av avtalene knytta til dette (sjå neste avsnitt)

#### *Drift og vedlikehald*

Ein del av konseptet, er at lag og organisasjonar skal drifte hytta. Det er pålagt at det skal lagast driftsavtaler om dette med aktuelle lag og organisasjonar. Når ikkje plassering er endelig vedtatt, kan vi ikkje starte dette arbeidet. Kva lag og organisasjonar som det er aktuelt å kontakte, heng saman med kvar hytta blir satt opp.

Osterøy kommune har fått forslag til arbeidslister, sjekklister og avtaler som kan nyttast, for å lage avtaler om drift og vedlikehald med aktuelle organisasjonar.

#### *Tilkomst*

Ein av fordelane med Erstadfjellet, er at det er fleire mogelege startpunkt. Dette er med på fordele belastninga, og forhåpentligvis vil ein unngå svarte stiar slik ein har sett på nokre hytter i Sogn og

Fjordane der ein berre har ein tilkomstveg. Det er antatt at Valestrand vil vere det mest brukte utgangspunktet, grunna at det er kortast veg dit frå der folk flest bur. Det er mogeleg å gå frå Valestrand sentrum, og offentlig parkering der. Det vil bli skilta frå sentrum via Reigstad og Skaffarhaugen. Prosjektgruppa ser likevel at det kan bli auka trykk frå Erstad. Her er tilkomsten via 4 km privat veg, og det har vore dialog med grunneigarane her sidan slutten av november. **Kvar vi står etter møtet på tysdag.**

Prosjektgruppa vil følgje med på andre tilkomstar og i kva grad disse blir brukt, for å vere med å legge til rette saman med berørte grunneigarar.

## Bakgrunn

Vestland fylke har teke initiativ til dagsturhytter i alle kommunar i Vestland fylke. Osterøy kommune har takka ja til tilbodet, i vedtak i H-styret 17.06.20. Det er inngått bindande avtale med Stad kystbygg om levering av hytta, og den blir plassert på båt og er venta til Osterøy i slutten av mai 2021.

Fylket skriv følgjande i si utgjeing om kva Dagsturhytta skal vere i epost av 27.10.20:

*«Føremålet med dagsturhyttene er at turmålet skal vere ein stad å søkje ly for ver og vind, ete nista, vere ein sosial møteplass i naturen, der hytta kan vere ein attraksjon i seg sjølv og skal innehalde eit nynorsk turbibliotek. Målgruppa for konseptet er heile befolkninga, men det er eit sterkt ynskje om å nå barn og unge for å legge gode vanar for fysisk aktivitet, lese-og naturopplevingar.»*

## Vurdering

### Folkehelse

Dagsturhytta er med på å gje betre folkehelse.

### Miljø

Dagsturhytta blir eit tilbod i nærmiljøet. Tilbodet vil sette fokus på natur, miljø og friluftsliv.

### Økonomi

I budsjettet ligg kommunal eigenandel på ca 500000. Dette inkluderer:

1. Hytte, utedo med sanitærinnhald, tilpassning i terrenget og platning rundt hytta (post 1, 2, 6 og 7). Disse postane, med nokre justeringar, er i hovudsak grunnlaget for spillemiddelsøknad (eks mva).
2. Tilrettelegging av veg/sti, parkeringar og skilting i samarbeid med private grunneigarar som vil oppleve auka bruk av sine eigedommar grunna allemannsretten (punkt 3, 4 og 5).
3. Interne, faste lønnskostnader i kommunen i arbeidet med dagsturhytta (post 8)
4. 10 % buffer til uventa utgifter (post 9).

I beste fall, der vi ikkje får uventa utgifter i særleg grad, og eksklusive post 8, vil kommunal eigenandel (dvs direkte utgifter) bli rundt kroner 250 000. Prisanslaget H-styret sa ja til 17.06.21, var på i underkant av 200 000. Budsjettet har difor ikkje endra seg i særleg grad, da det prisanslaget var utan sanitæranlegg.

Detaljert budsjett ligg som vedlegg til saksutgreiinga.

### **Konklusjon**

Osterøy kommune set opp Dagsturhytta på Erstadfjellet. Det vert skilta tilkomst frå Valestrand sentrum. Kommunen arbeider vidare med å sikre god tilkomst frå andre utgangspunkt i samarbeid med berørte grunneigarar.